



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando aues aspiciamus. Exer. 55

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

Petitio.

Rogabimus Deum, vt virtutum flores quos extirpaueramus in animabus nostris repararet, & gratiam nobis conferat, vt simus bonus odor Christi in omni loco: tale de nobis exemplū præbendo, quale ad verum Christi discipulum spectat.

Oblatio.

Offeremus Deo, flores perfectissimarum virtutum quos in anima Christi sanctissima, a primo instanti conceptionis eius plātavit: pulchritudinem etiam & suauissimum odorem vernantissimæ illius rosæ, altissimi manibus confitæ, hoc est B. Mariæ Virginis: ac denique flores virtutum omnium sanctorum: glorificabimusque Deum pro illis.

Quando aues aspiciamus

Exercit. ss.

Dan. 2. Benedicite omnes volucres cæli Domino.

Thren. 3. Venatione ceperunt me quasi avem, inimici mei.

Deus.

Deut. 32. Sicut aquila prouocans ad volandum pullos suos, & super eos volitans: expandit alas suas & assumpsit eum, atque portauit in humeris suis.

Matt. 23. Hierusalem, Hierusalem, quoties volui congregare filios tuos, quemadmodum gallina congregat pullos suos sub alas & noluisti.

Consideratio.

Considerabimus Christum Redemptorem nostrum, de caelis in terram, & à terra in caelos volasse, atque secum duxisse filios suos, hoc est iustos, ad id usque tempus in Lybno retentos: Et velut aquilam prouocasse suos ad volandum per contemplationem: & veluti pellicanum pectus suum rescrasse, vt pullos suos proprio sanguine viuificare: ac denique veluti gallinam eosdem sub alas suas congregasse, atque ab infernali miluo defendisse

} Gratia-

GRatias referemus Deo; quod nobis aues ad ministerium & sustentationem nostram contulerit; quodque per illos nos doceat, fiduciam totam in Deo collocare, immodicam rerum temporalium curam abijcere: atque alis desideriorum, ab hisce terrenis ad amorem atque cupiditatem cœlestium nos erigere.

Confusio.

Pudore suffundemur: considerando, quam terrenum sit cor nostrum, quod inferioribus hisce rebus adeo immersum est, ut vix unquam se ad cœlestia considerata attollat; quod etsi aliquando faciat, statim ad eadem terrena relabatur.

Petitio.

Precabimur Deum, cum Propheeta Dauide, ut det nobis alas sicut columbæ, ut relicta terra, infimisque & abiectis hisce rebus ad ipsum volare, atque in illo requiescere possimus, constituendo nobis nidum in foraminibus petræ.

Obla-

Oblatio.

Offeremus nos Deo, vt extollat nos & secum ducat, atque in alis suis ferat, agnoscendo nos debiles, & implumes, nec à nobismetipsis volare valentes.

*Quando alia animantia con-
spicimus.*

Exercit. 56.

Psalm. 148. Bestia, & vniuersa pecora, laudent nomen Domini.

Psalm. 48. Homo cum in honore esset, non intellexit, comparatus est iumentis insipientibus & similis factus est illis.

Psalm. 31. Nolite fieri sicut equus & mulus quibus non est intellectus.

Esai. 1. Cognouit bos possessorem suum, & asinus praesepe Domini sui: Israel autem me non cognouit, & populus meus non intellexit.

Consideratio.

PRæter considerationes, quæ de vnoquoque animali specialiter formari possunt iuxta ipsius naturam & proprietates: generaliter considera-
ff 3 bimus,